



**R.P. Leonardii Lessii E Societate Iesu Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censvris.
Prælectiones Theologicæ Posthvmæ**

Lessius, Leonardus

Lovanii, 1645

Art. 4. Vtrum beatitudo poßit amitti.

[urn:nbn:de:hbz:466:1-72898](#)

32 Quæst. 5. De consecutione Beatitudinis. A. 2.3.4. Dub. 1.2.3.

ARTICVLVS II.

Virum alius alio posse esse beatior?

3 **C**onclusio est affirmans: quia fieri potest ut alius alio clarius Deum videat, eoque fruatur perfectius: atque beatitudo formalis consistit in visione & fruitione: ergo potest esse in alio minor. De hoc satis multa in 1. p. q. 12.

ARTICVLVS III.

Virum aliquis in hac vita posse esse beatus?

4 **C**onclusio est, verâ seu essentiali beatitudine neminem in hac vita beatum esse posse. Ratio est, quia in hac vita nemo Deum clare videre potest: vt multis locis docet Scriptura. Intellige hac, secundum legem statutam. Nam per absolutam Dei potentiam fieri potest ut quis in vita mortali beatus sit: exemplum habemus in humilitate Christi.

ARTICVLVS IV.

Virum beatitudo posse amitti?

5 **C**onclusio est, essentiali beatitudinē amitti non posse. Est articulus fidei. Credimus enim vitam eternam. Idem patet ex plurimis Scripturæ locis, quibus docemur præmia iustorum & supplicia impiorum fore perpetua; vt Matth. 25. Psalm. 83. & alibi. Item ubi caelestis hæreditas dicitur incorruptibilis & immarcessibilis; vt 1. Petri c. I.

DVBIVM I.

Virum beatitudo suæ naturæ sit incorruptibilis, An solùm supernaturæ Dei conservatione?

6 **R**espondeo, Omissis sententijs, corruptibile & incorruptibile aliiquid dici respectu causa quæ possit corrumpere vel non corrumpere. Causa verò ista esse potest vel Deus ipse, vel aliqua creatura.

Nihil in-
corrupsi-
bile repre-
sens Dei,

Itaque si beatitudo hominis comparetur, ad Deum, sic haud dubie est corruptibilis; sicut & omnis creatura. Quomodo Patres sapienter dicunt nullam creaturam naturâ suâ esse incorruptibilem, sed ex voluntate Dei. Ratio est, quia assidue pendet ex libero Dei influxu; vel sicut pondus quod in aëre ab aliquo sustinetur; vel sicut imago in speculo ab obiecto relucens. Suppositâ tamen divinâ promissione quâ promisit beatitudinem fore eternam, etiam à Deo nequit interimi vel auferri: quia seipsum negare non potest.

Beatitudo
est incor-
ruptibilis
comparata
ad res crea-
turas

Si vero beatitudo comparetur ad res creatas, sic naturâ suâ est incorruptibilis: talis enim est naturæ ut à nulla creatura possit impediri vel aboleri.

Probatur, Quia posito lumine gloriae, & concurso Dei huic lumini & intellectui debito, neccl-

fariò sequitur visio. Nam essentia diuina est intime præfens menti; vnde mens non potest se ab ea auertere, neque iudicium visioni contrarium concipere. Positâ autem visione, necessariò sequuntur cæteri actus; scilicet amor & gaudium. Tam igitur est incorruptibilis beatitudo tamquæ solida, quam substantia vel cœlorum vel Angelorum. Verum incorruptibilitas gaudij & amoris, pendet ex incorruptibilitate visionis. Hæc autem pendet ex firmitate luminis quod contrarium non habet, & diuini concursum: in quibus duobus est totum fundamentum aeternitatis beatæ vitæ.

DVBIVM II.

Quomodo verum sit quod ait D. Thomas in Corpore De ratione Beatitudinis esse, ut omne desiderium hominis impletat?

7 **V**idetur enim falsum. Nam Christus verè beatus fuit in hac vita: & tamen non omne eius desiderium erat impletum; & anima Sanctorum beatae sunt, tamen desiderant corporum resurrectionem.

Respondeo, Ad rationem beatitudinis non requiri ut actu impletat omne desiderium, sed debet esse sufficiens implere, sic ut non restet villa molestia in animo ex absentia rei desideratæ. *omne de-*
siderium. Qui enim tanto bono fruatur, facile fert absentiam aliorum bonorum, quæ eius comparatione quasi nihil sunt. Quod autem in Christo Domino non omnis molestia exclusa fuerit, miraculo factum est, vt posset pro nobis pati. Animæ Sanctorum etiæ desiderent sua corpora, non tamen ex dilatione afficiuntur molestiâ. His adde, non esse necessarium ut essentialis beatitudo per seipsum formaliter omne desiderium omnino explete; sufficit ut id faciat vel per se, vel per ea bona quæ secum trahit, quæque ex illa pendent.

DVBIVM III.

Virum beatitudinem requiratur securitas?

8 **V**idetur non requiri. Primo, Quia eiusdem rationis est visio perpetuò durans, & ea quæ solùm durat vnum diem: ergo ea quæ diem durat tam bene faciet beatum, saltem pro illo die, quam perpetua faciat beatum in perpetuum.

Secundo, Ad rationem beatitudinis non requiritur exclusio omnis tristitia; vt patet in Christo Domino: ergo etiam non requiritur ut omnis timor beatitudinis amittenda excludatur.

Tertio, Si securitas requiritur ad beatitudinem: ergo visio & fruatio non sufficiunt.

Respondeo, Requiri securitatem, sicut recte hic docet D. Thomas. Quod vt probetur.

Nota. Securitatem veram nihil esse aliud quam absentiam timoris de bono amittendo, vel quid. malo incurriendo, natam ex certa cognitione rei non eventuaré. Dico ex certa cognitione; quia si cognitionis sit incerta, erit non vera, sed fallax securitas.

Nunc probatur Responsio: Primo, Quia cum timore amittendi tanti boni, non potest quies ad beatitudinem animi consistere; sed necesse est summa anxitate affici: ergo ad beatitudinem requiritur huius timoris.

moris vacuitas: ergo securitas, quæ nihil est aliud, quam timoris vacuitas.

Antecedens probatur; Nam qui magnum ali-quod bonum obtinet, si metuit hoc amittere, quod plus amat, hoc maiore anxietate afficitur ex timore amittendi: Atqui beati summè amant visionem & fruitionem Dei: ergo maximè molestia afficitur timore eius amittendi; cum quæ molestia beatitudine quæ omnem molestiam exclude-re potest, consistere nequit.

Secundò, Id quod summè affligit damnatos, & maximè efficit miseris, est æternitas supplicij, quatenus vident se numquam posse euadere: ergo id quod maximè gaudio afficit beatos, est æternitas præmij, quatenus vident se numquam tantum bonum posse amittere; qua in re sita est illorum securitas. Ergo securitas omnino necessaria est ad beatitudinem.

⁹ Ad Primam Rationem, Respondeo: Etsi visio vnius diei sit ciudem naturæ atque visio perpetua; tamen in infinitum differunt secundum ælminationem moralem; ac proinde in ordine ad voluntatem, vt sunt bona appetibilia. Itaque visio vnius diei non potest hominem absolute facere beatum, ne ad vnum quidem diem.

<sup>solauntur
argumeta.</sup> Visio beati-
fici unius
dies, non
beatificaret
absolutè.

Dices, quid si ille ignoret visionem fore tam breuem, eritne beatus?

Respondeo, ille vel simul putabit fore æternam: sique decipietur in re maxima; & gaudium ipsius præcipuum fundatum erit in falsa opinione: quare ille non erit beatus. Vel nihil in alterum partē cogitabit (quod tamen fieri nequit nisi diuinitus impeditur): & sic quoq; nō erit propriè beatus vel ad vnum diem; quia non apprehendetur æternitas boni, quæ præcipuum gaudium affert. Deinde, visio illa secundum se non est talis ut possit omnem mœrem excludere si eius conditio cognoscatur.

<sup>Nec est suf-
ficiens ex-
cludere om-
nem mœ-
rem.</sup> Ad Secundam Rationem, Nego Consequentiā. Etsi enim ratio beatitudinis non postulet ut actu omnem mœrem excludat: tamen postulat ut ex se sit sufficiens excludere omnem mœrem, adeo ut res ipsa id praesertim sit, nisi diuinitus impeditur. Est enim tantum bonum, ut carentia aliorum bonorum nihil æstimetur, modò ipsa retineatur. Visio vero Dei que solum ad tempus est duratura, vel quam is qui videt, timet amittere; non est sufficiens ut excludat omnem mœrem: quia non potest excludere mœrem qui ex amissione ipsius impendente concipitur: tantum enim malum æstimatur amissio rei, quantum bonum putatur eius possessio. Quare cum possessionem Dei æstimet summum bonum, eius amissionem censet summum malum; ac proinde necessariò est anxius & mœstus.

Ad Tertiā, Nego Consequentiā; Quia securitas nō est aliquis actus distinctus à visione & fruitione; sed ex parte subiecti solum est vacuitas timoris ex certa notitia beatitudinis non amittendæ proueniens, quæ notitia habetur per visionem, estque solum conditio requisita. Ex parte autem beatitudinis, nihil ponit nisi durationem aeternam, quam visio & fructus naturæ suæ postulant, cum hæc duratio non distinguantur ab illorum actuum existentiâ nisi ratione.

ARTICVLVS V.

Vtrum homo per sua naturalia posset acquirere beatitudinem?

C Onclusio est, Imperfectam beatitudinem, ¹⁰ qualis est huius vita, hominem posse acquirere; non autem perfectam.

Nota. Si loquamur de statu naturæ lapsæ, hominem nullam omnino beatitudinem per solas naturæ vires posse comparare, neque perfectam, neque imperfectam. Ratio est; Quia neque a peccatis quæ naturam rationalem dehonstant, neque ab alijs miserijs innumeris scipsum immuncum prestat potest. Cognitio quoque quam de Deo rebusque diuinis potest consequi, est imperfectissima, vt pote obscura, & maxima ex parte ambigua.

Si vero loquamur de statu nudæ naturæ in qua Deus hominem condere potuisse, probable est potuisse eum in hoc statu per vires naturæ ali- <sup>Nullam pos-
te in statu
naturæ
lapsæ.</sup> quam imperfectam beatitudinem consequi. Nam omnino credibile est in eo statu futurū fuisse aliquod præmium bonorum operum, & aliquam Dei prouidentiam circa hominem, quæ sic gubernatus fuisse, vt posset hoc præmium mereri & consequi.

Aduerte tamen, illum neque hac imperfecta beatitudine fruiturum fuisse, nisi Deus aliqua supra naturæ conditionem circa ipsum operaretur. Ratio est, quia cum hæc beatitudo sit ultima in eo statu, requirit æternitatem & vacuitatem misericordiarum huīs vitæ: quorum neutrum poterat homo cōsequi sine supernaturali Dei operatione. Nam naturali necessitate debebat mori, mortuus autem non poterat resurgere, neque post resurrectionem in aeternum vivere absque supernaturali Dei operatione & protectione.

Si dicas, non fore Resurrectionem in eo statu, ac proinde non fore opus supernaturali operatione Dei ad hanc beatitudinem.

Respondeo, hoc parum videri credibile; Nam anima naturaliter postulat & desiderat yni corpori, neque potest absq; hac yniione habere suum naturale modum cognoscendi qui est per co-operationem sensuum & phantasie. Atqui sine naturali modo cognoscendi non potest habere beatitudinem naturalem. Adde, illo modo non hominem, sed animam dumtaxat fore beandam.

ARTICVLVS VI.

Vide D. Thomam.

ARTICVLVS VII.

Pertinet ad materiam de gratia.

ARTICVLVS VIII.

Patet ex Dictis 1.p. q. 12.

QVÆ-